



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Bambergenses S. Henricvs Imperator S. Kvnegvndis
Imperatrix S. Otho Episcopvs**

Gretser, Jacob

Ingolstadii, 1611

[LIII. Ignis vrens, sed non comburens.]

urn:nbn:de:hbz:466:1-41527

ipſi, quām omnibus eum intuentibus, impossibile videretur. Vnde, quod ab homine fieri desperabat, ab eo, cui nihil est difficile, sed ſolus restaurat vniuersa, per Beati HEINRICI patrocinium, fide firma, ſpe ſolida, quarens; cuius misericordia ianuam fletibus aſſiduis, ieuiuis crebris pulsauit, & tandem in formam pristini gressus reſtitui meruit.

C A P V T L I I.

Mulier ſurda & muta & audiendi & loquendi facultatem recipit.

Npago quodam miliari uno à Merleburgensi caſtro diſtante, mulier ſurda & muta ab exordio na- tivitatis ſuæ, à propinquis & ciuibus, miſericor- dia ſinu fouebatur. A quibus, ad Eccleſiam per- ducta, nutribus & ſignis, quibus erga eam uti poſſible fuit, ante beati Confessoris reliquias prona ſterni uidebatur. Sed illa iumento inſipienti ſimilis, pro ſe nil rogarē nouerat; vel quod eſſent reliquiae, aut quid gereretur, penitus neſciebat: cui ta- men fidelium pro ſalute eius in commune ſupplicantium o- ratio, fidesq; ſubueniebat, & per Beati HEINRICI ſuffragia, ut ipſa poſtea teſtabatur, in utroq; corporis officio reformari meruit ex integro.

C A P V T L I I I.

Ignis urens, ſed non comburens.

Vm excubia ſacrae à fidelibus circa theſaurum in- comparabilem ſine intermissione fierent, ita ut aliis recedentibus, aliis venientibus, die no[n] aūq; fores Eccleſia non clauderentur, custos Eccleſiae; inter oues, lupos, ſub vellere ouium latentes, non facile agno- ſci conſiderans, auferri furtim reliquias metuebat. Ad quod p̄r̄cauendum ex quadris lapidibus, factō ſati habili recon- ditorio, eas in illo locauit. Cui etiam oſtiolum ex pino, quod, cauſa poſcente, claudi & aperiri poſſet, imposuit. Nocte ergo quādam, infra Curſum, matutinū lumen incautius eidem ap-

H 3

ponens.



ponens,chorum,quem studiosius aliis frequentabat,ingrediatur:sed paulò post fumum sentiens,& quid acciderit, animo præsago concipiens,ad locum festinus reuertitur: inuenitq; ostiolum à flammatangi & fumum dare,sed non lædi. Cuius hæc meritis,nisi eius,cuius illic reliquiæ seruabantur, possunt adscribi? Poterant quidem,absq; ligni & lapidis repositione, à raptu alieno,ipso mediante,seruari: sed pius Confessor D E I, laborem & studium deuotè sibi obsequentium, noluit incalsum deperire; ne, vel in paruo detimento ianuæ viderentur contristari,ideoq; in ligno, foci vsui apto , vim virtutis suæ ignem à D o obtinuit obliuisci.

C A P V T L I V.

Energumena liberata. Conclusio miraculorum.

M Vlier arreptitia de restibus connexa manus coram prædicto reconditorio , licet multum renitens, sustitur. Quæ,dæmone mugitum in aëra dante se que ab HEINRICO torqueri vociferante , satis ipsa torra liberatur. Visum est illi, ut præsentibus referebat, quendam capite cano, barba prolixa , veste amictum regia, ex eodem loco processisse, & à se spiratum nequam pugnis & minis extortisse.

Verum, si cuncta sigillatim, quæ diebus singulis facta sunt miracula persequi voluero, tempus me prius, quam materia deseret: præsertim cum numero possibilitatem excedente, custos ipse Ecclesiae, qui omnibus ferè intererat,pauca de multis memorie tradere se potuisse perhibebat.

Hoc solùm hic omittendum non est , quod de calice aureo, de quo supra dictum est, quem ob speciale deuotionis suæ indicium idem Imperator Beato Laurentio confici iussérat, febricitantes,aqua,vel alterius liquoris haustu,curantur:præstante Domino nostro Iesu Christo, qui cum D e o Patre & Spiritu sancto viuit & regnat D e u s per infinita sæcula sæculorum Amen.

RESCRIL